



15485

Mag. St. Dr.

Mag. St. Dr.

Cracoviense


3785 Prawo.

Decretum Tribunalitium contra donationes

Collegio Cracoviensi factas.  
1722.

Mag. St. Dr.

MF 1120



# DECRETUM<sup>239</sup> TRIBUNALITIUM,

contra

Donationes Collegio Crasnostaviensi  
Societatis JESU factas.

15485 III

*Actum Lublini in Judicijs Ordinarijs Generalibus Tribu-  
nalis Regni, Feriâ Secundâ in Crastino Festi, Sanctissi-  
mæ & Individuæ TRINITATIS, Anno Domini Mil-  
lesimo, Septingentesimo Vigesimo Secundo.*

**I**N Causa, & Actione Judiciaria infrascripta, primùm  
coram Castrensi Capitaneali Ostrzeszoviensi Executo-  
riali Officio vertente, & agitata, deinde ad præsens  
Ordinarium Generale Tribunalis Regni Lublinense Judi-  
cium devoluta, idq; per Remissionem infrascriptam, ab  
eodem Executoriali Officio factam; Cujus ex Actis Ca-  
strensibus Crasnostaviensibus authenticè depromptæ, Te-  
nor sequitur ejusmodi. Actum in Castro Crasnostavien-  
si, Feriâ Quartâ post Festum Sancti ANDREÆ Apostoli  
proximâ, Anno Domini Millesimo Septingentesimo Vi-  
gesimo Primo, ad Officium & Acta præsentia, Castrensis  
Capitanealia Crasnostaviensia personaliter veniens, Gene-  
rosus Albertus Krokowski obtulit, & ad acticandum Of-  
ficio eidem porrexit, Remissionis Actum in Bonis infra-  
scriptis, per Generosum Stanislaum Bohutz Traczewski,  
Officij Castrensis Ostrzeszoviensis Subdelegatum juratum,  
Actum introcontentum expeditum, manuquè Generosi

A

Sub-

Subdelegati propriâ subscriptum, de tenore eo, qui sequitur talis. Actum ante Portam occlusam Curia Bonorum, Villarum Orłow, Wola Orłowska & Wał, Illustris & Magnificæ Anastasiæ in Mirow Marchionissæ Hæreditariorum, Possessionis verò ad præsens, Religiosorum Patrum Jesuitarum, Collegij Crasnostaviensis subjectorum, Feriâ Quartâ post Festum Sancti ANDREÆ Apostoli proximâ, Anno Domini, Millesimo Septingentesimo Vigesimo Primo: Ego Stanislaus Traczewski, Officij Castrensis Ostrzeszoviensis Subdelegatus Juratus, ad requisitionem Illustrium & Magnificorum, Michâélis in Zakliczyn, & Anastasiæ in Mirow Marchionissæ Myszkowska Jordanow, Palatinorum Braclaviensium, Conjugum Legitimorum, Decretiq; præsentis, seu potius Lucri Contumacialis exhibitionem, evincendoq; Officium Magnifici Capitanei mei à rigore in eodem Decreto apposito, vigore Condemnationis pænæ Bannitionis perpetuæ, Lublini in Judicijs Ordinarijs Generalibus Tribunalis Regni, Die primâ Decembris, Anno Millesimo, Septingentesimo Vigesimo Primo, in Lucro Cassatarum quarumvis Condemnationum, uti contra præscriptum Legum recognitarum, ac scripti super Summam Viginti Millium florenorum polonicalium dati, necnon in Lucro deoccupationis Bonorum, Orłow, Wola Orłowska & Wał, atq; solutionis ejusdem Summæ, Viginti Millium florenorum Polonicalium, & in Lucro faciendi de perceptis Proventibus calculi, ac restitutionis eorundem, ac Inventarij, tam ex Bonis Dub, ad eadem Bona de Orłow depulsi, quàm etiam, in hisce Bonis præventi, ex Instantia supra expressorum Illustrium & Magnificorum Jordanow, Palatinorum Braclaviensium, Conjugum, super Religioso & Admodùm Reverendo Alberto Starzyniki, Collegij Crasnostaviensis Rectore, totoq; Collegio Crasnostaviensi Societatis JESV obtentæ, & ad Bona prætacta Orłow, Wola Orłowska, & Wał, Die in Actu contento con-

de-

descendi, ibidemq; in praesentia Generosorum ac Nobilium<sup>241</sup>  
Alberti Krokowski, Illustrium & Magnificorum Palatino-  
rum Bractaviensium Aulici, Alberti Zarzycki, Simonis Po-  
lewinski, eorundem Bonorum Orłow Administratoris, &  
Laboriosorum Stephani Onufzak, Alberti Kościelski, In-  
fidelis Judæi Kopel Mandelowicz, atq; Famati Pauli Ba-  
nufzkiewicz, necnon Ministerialis Regni Generalis Providi  
Jacobi Zielenski de Crasnostaw Authentici & jurati, in cu-  
jus praesentia Officiosam meam Jurisdictionem fundavi,  
denuò suprascripto Ministeriali Jacobo Zielenski, Actum  
praesentem proclamare mandavi, ac Partes ad mei adven-  
tum acclamare feci, ad Executionemq; praefati Decreti me  
contuli, Bonaq; praedicta Orłow, Wola Orłowska & Wał  
urgente Generoso Alberto Krokowski tradere volui; verum  
quoniam Generosus Simon Polewinski eorundem Bonorum  
Administrator, nullâ Juridicâ ratione, solummodò igno-  
rantia rerum, proferens hæc formalia, quòd sine Consensu  
Collegij Crasnostaviensis Societatis JESV, neminè in hæcce  
Bona mittam, impugnavit. Ideò Ego visâ ejusmodi Im-  
pugnatione, attentoq; Processu necdum sufficienter perdu-  
cto, nè alicui Partium praesudicium inferre videar, rursus  
pro finali disjudicatione Partes, ac Causam praesentem  
cum toto ejus effectu, ac Impugnatore remisi, praesenti-  
busq; remitto; conservando Partibus ex Regestro quolibet,  
nullo penitus excepto, etiam simplici praeciso Arresto, Termi-  
nū peremptorium, Actus praesentis vigore. Stanislaus Bo-  
husz Traczewski, Officij Castrensis Ostrzeszoviensis Subde-  
legatus Juratus, manu propria. Originale verò ejusdem  
Actus Remissionis, circa Acta Officij praesentis remansit:  
Ex Actis Castrensibus Capitanealibus Crasnostaviensibus,  
depromptum: Correxerit Kobylański manu propria: Locus  
Sigilli Castri illius: pro cujus cassatione Condemnationis  
vigore, cujus Executio peracta est, Citatio infra scripta in-  
tercessit, in tenore verborum, qui sequitur ejusmodi: AV-

242 **GVSTVS II. DEI Gratiâ Rex Poloniae, Magnus Dux Li-**  
thvaniae, Russiae, Prussiae, Masoviae, Kijoviae, Volhyniae,  
Podoliae, Podlachiae, Smolensciae, Samogitiae, Livoniae, Se-  
veriae, Czerniechoviaequè, necnon Hæreditarius Dux Sa-  
xoniae, Princeps & Elector. Vobis Instigatori Judicij  
Tribunalitij Regni Lublinensis ex Officio Instigatoriatûs  
Tui, tum Illustri & Magnificæ Anastasie Gonsagæ Mar-  
chionissæ in Mirow Myszkowska, Illustris & Magnifici Mi-  
chaelis à Zakliczyn Jordan, Palatini Bracławiensis, Ostro-  
łecensis, Dobczycensis Capitanei, Consorti Legitimæ,  
Parti adhærenti, de Personis, Bonisque Tuis generaliter  
omnibus mandamus, ut coram Judicio Nostro Ordinario  
Generali Tribunalis Regni Lublinensi, à positione præsen-  
tis Citationis, tum, dum, & quando Causa præsens ex  
Regestro sibi competenti ad judicandum vocata inciderit,  
legitimè, peremptorièq; compareatis; Ad Instantiam al-  
terius Instigatoris Judicij nostri, ejusq; Delatorum Religio-  
si & Admodum Reverendi in Christo Patris Alberti Sta-  
rzynski, Collegij Crasnostaviensis Societatis JESV Recto-  
ris, ac totius Communitatis ejusdem Collegij Actorum  
cassandæ, qui Actores citant vos, & quidem Te cum præ-  
fati Illustris & Magnifici Mariti Tui, uti Tutoris Conju-  
galis autoritate & assistentiâ, ad videndum & audiendum  
Condemnationes quasvis, super se Actoribus in Judicio  
Tribunalitio Regni Lublinensi, aggravatoriè & indebitè  
contra Leges Regni, ex Regestris incompetentibus ob-  
tentas, tolli, cassari, & annihilari, nullitatisq; vitio subijci  
debere declarari, modernos Actores, ad pristinum Hono-  
ris gradum restitui, & redintegrari. Te verò Pars adhæ-  
rens, ratione indebitæ vexæ, & injusti Litigij pænis con-  
dignis puniri, & ad refusionem damnorum per meram  
vexam causatorum stringi; Citamini sitis parituri & judi-  
cialiter responsuri; Datum Lublini Sabbatho in Vigilia Festi  
S. THOMÆ Apostoli, Anno Domini Millesimo Septin-  
gente-

gentesimo Vigesimo Primo. In Termino itaq; hodi- 243  
erno, vigore præinsertæ Remissionis, ipsiusq; Termini con-  
servationis ac præsentium Judiciorum Ordinationis, legiti-  
mè ad præsens incidenti, & proveniente, X Parte utraq; Il-  
lustribus & Magnificis Jordany Palatinis Bractaviensibus  
Conjugibus Actoribus, per Generosum Stanislaum Tra-  
czewski, & Collegio Crasnostaviensi Societatis JESV cita-  
to negotij, & Actore cassandæ, per Religiosum, & Admo-  
dum Reverendum Adamum Stokowski, Generalem Pro-  
curatorem Causarum utriusq; Provinciæ, Magnifica Slo-  
niewska Actrice & Indicante, per Generosum Paulum  
Kintlewicz, coram Iudicio præsentis comparente, & judi-  
cialiter controvertente; Iudicium præsens Ordinarium  
Generale Tribunalis Regni Lublinense; Quoniam per re-  
productum anterioris Iudicij sui Decretum, Regestrum  
seculare Causæ huic agnitum, & experimentum injunctum  
fuisse probatur; Idcirco adhaerendo eidem Iudicij antea-  
cti Decreto, Partibus ex Regestro præsentis Causam pro-  
sequi mandat. In prosequendo Foro competenti Causæ  
huic adinvento, Partibus procedere injungit: in proce-  
dendo; resolvendo Remissionem ab Officio Castrensi  
Ostrzeszoviensi Executoriali, ex Fundo Bonorum Orłow  
ad Iudicium præsens factam, tum & Citationem ad cas-  
sandam editam, decidendo, Controversijs Partium utra-  
rumq; in Iudicium suum prolixè illatis exauditis, ac be-  
nè perpensis; Quoniam Donationes binæ, tam Prima  
earum Crasnostaviæ Feriâ Secundâ in crastino Festi Sancti  
LAVRENTII Martyris, Anno Domini Millesimo Septin-  
gesimo Quarto, coram Iudicio quidem, sed non pleno  
Terrestri Chelmenfi; quàm & altera Lublini Feriâ Quar-  
tâ pridie Festi Sancti ÆGIDII Abbatis, Millesimo Se-  
ptingentesimo Decimo Secundo Anno, non coram Ter-  
restri Iudicio, contra præscriptum & Dispositionem Legis

244 publicæ, per olim Illustrẽ Magnificum Raphaëlem Sarbiejowski, Castellanus Braclaviensẽ, Collegio Crasnostaviensi Societatis J E S V, non pro nova de radice erigenda Fundatione, in præjudiciũq; Dispositionis & utilitatis publicæ, ac alienationem Bonorum Terreſtrium factæ & recognitæ, per Successoresq; reclamatæ esse probantur. Idcirco Legibus Regni adhærendo, prospiciendoq; publicæ, & Dispositionum Terreſtrium securitati; Donationes easdem utraq; ex rationibus præmissis, non posse subsistere sententiat, iisdemq; cassatis, Successores ejusdem olim Illustris Magnifici Sarbiejowski Castellani Braclaviensis, modernos Actores in Ius plenum naturæ restituit; necessariamq; esse deoccupationem Bonorum Villarum Orłow, Wola Orłowska, & Wał, in quatuor ab Actu præſenti Septimanis proximis, in præſentia Officiorum Caſtrenſium; pro parte Illuſtrium Magnificorum Jordanow Palatinorum Braclaviensium, Kijoviensis, seu Opocznenſis, sive Bełzenſis, vel Grabovecenſis; pro parte verò Collegij Crasnostaviensis Societatis I E S V, Caſtrenſium, Crasnostaviensis seu Cremenecenſis, per Religiosos Patres Societatis I E S V ejusdem Collegij, præcluſo quovis de Proventibus perceptis reddendo Calculo, subsequendam cenſet, quæ Officia unius duorumvè aut plurium, ex Generosis Officialibus absentia non obstante, dummodò unus à quavis Parte Officialis adſit, pro illo tempore, in Fundum prænominatorum Bonorum Orłow cum attinentijs ſupraſcriptis, sub pæna Bannitionis condeſcenſura, mutuo Partium ſumptu conducenda, ante omnia Bona ſupraſata Orłow, Wola Orłowska, & Wał, per Religiosos Patres Societatis I E S V deoccupanda, in realem & actualem Poſſeſſionem Hæreditariam Partis Actoreæ, Illuſtrium duntaxat & Magnificorum Palatinorum Braclaviensium Conjugum, cum omni eorundem Bonorum



rum usufructu, ac obedientia subditorum, tradent & di-<sup>245.</sup>  
mittent. De reparatione & conservatione eorundem  
Bonorum, præviâ si opus fuerit Inquisitione indagabunt,  
si & quanta apparuerit, Compensationem in ibidem præ-  
standam injungent; onera, si quæ per Collegium Cra-  
snostaviense ex iisdem Bonis deportata & census, à sum-  
mis iisdem Bonis inhærentibus persolutos liquidabunt,  
& restitutionem per Illustres Magnificos Iordany Palati-  
nos Bractavienses subsequendam demandabunt, Partes  
disjudicabunt, & præmissa omnia finaliter præcisâ Ap-  
pellatione exequentur, cui Partes decisioni parere & ac-  
quiescere omninò debebunt & tenebuntur. Facturæ  
sunt præmissa sub pæna Bannitionis perpetuæ, quæ ex-  
nunc decernitur & Terminus publicandæ illis coram  
Officijs Condensorialibus, per Iudicium præsens præ-  
figitur & conservatur peremptorius. Luita ad præsens  
per Partem utramquè pæna Quatuordecem Marcarum  
Polonicalium, per Partem Parti compensanda, & Iudi-  
cio suo totidem instanti sub pæna Bannitionis, ex Re-  
gistro pænalium publicanda solvenda. Quantum verò  
spectat Summam Viginti Millium Florenorum Poloni-  
calium vigore scripti manualis, Anno Domini, Mille-  
simo Septingentesimo Decimo Quinto conscripti, per Il-  
lustrem olim Magnificum Castellatum Bractaviensem  
dati, per Collegium Crasnostaviense levatam, siquidem  
eadem Summa ex substantia Mobili, liberè & licitè per  
olim Illustrem Magnificum Castellatum Bractaviensem in  
rem Convictûs pro Nobilibus Pauperibus, tum & Capella  
Musices, disposita & applicata esse deducitur; idcirco Judi-  
cium præsens, tam cassationem ejusdem scripti, quàm resti-  
tutionem Summæ suprafatæ, Viginti Millium florenorum  
Polonicalium Partem Actoream non posse prætere senten-  
tiant, Partemq; citatam Collegium Crasnostaviense à Cau-

246 sa & Impetitione quavis Iudicium idem liberum facit, & pronuntiat, in sublationem verò Condemnationis Tribunalitæ super se obtentæ decernit Iudicium hocce, quatenus Religiosi in Christo Patres Societatis IESV Collegij Crasnostaviensis Vadium Capitaneale simplex, Parti in Termino Condescensionis superscriptæ, sub Approbatione ejusdem in ibidem, & Iudicio suo totidem in instanti sub pæna Bannitionis ex Regestro pænaliū publicanda solvant.

*Correxit Fankowski.*

*Casimirus Silvester Suffczynski, Notarius  
Terrestris Lublinensis.*

**Locūs SIGILLI.**

*Legit Tomaszowski.*

Biblioteka Jagiellońska



std:0022371

